

Heinrich Rudolph Redecker

**Rector Universitatis Rostochiensis Henricus Rudolphus Redeker D. & P.P. Ad
Cohonestandas Exequias Quas Viro ... Dn. Christiano Otfaro, Medic. & Philos.
Doctori. Consanguinei Et Amici eius Hodie ... paratas cupiunt. Omnes & singulos
Literatos & literarum Fautores ... invitat**

Rostochii: Kilius, 1661


<http://purl.uni-rostock.de/rosdok/ppn776201328>


Druck Freier  Zugang



Redeker, H.R.,
in
Chr. O t f a r u m.
Rost. 1661.

31





15

RECTOR
UNIVERSITATIS ROSTOCHIENSIS
HEINRICUS RUDOLPHUS

Redefere D. & P. P.

AD CONHONESTANDAS EXEQUIAS

Quas

VIRO Amplissimo & Clarissimo

DN. CHRISTIANO

OTFARO,

MEDIC. & PHILOS. DOCTORI.


CONSANGUINEI ET AMICI

ejus

*Hodie in eade Marianâ parati
sunt.*



Omnes & singulos Literatos &
literarum Fautores præcipue autem Ci-
ves Academicos officiose & sedulo
invitat.



ROSTOCHII,

Typis JOHANNIS KILII, Acad. Typogr. Anno 1661.

RECTOR UNIVERSITATIS ROSTOCH.
HEINRICUS RUDOLPHUS *Redeker*

Civibus Academicis

Salutem!



Sicuti hæc rerum forma quæ cælum
terramque continet, à Deo creatore
amplissima sua extensione, in or-
bem rotundum redacta est: Ita su-
premi opificis provida moderatio-
ne omnia instabili motu feruntur.
Neq; quicquam est, quod ullam vel
naturæ vel stationis constantiam sentiat. Hinc non tan-
tum orbium cœlestium cursus, & syderum continuos
motus, verum etiam rerum sublunarium perpetuam vi-
cissitudinem intuemur, & miramur merito quomodo
cuncta vago motu in orbem gerantur. Inter omnes au-
tem res quæ in cœlo mari ac terra, uti J. C. loquuntur,
nascuntur, nullæ magis caducæ & fluxæ sunt, quam ho-
mines: Qui in terra veluti in mari fluctuanti æstuant &
continuis calamitatibus affliguntur. Quamvis enim
Homo omnium creaturarum sit præstantissimus, ut-
pote, ad imaginem divinam formatus, attamen omni-
bus fortunæ telis est expositus, omnibus vitæ ærumnis
obnoxius & omnibus miseriis subjectus. Ut non imme-
rito vitam humanam sapientes, non vitam sed mortem
appellaverint, neq; quicquam vel infirmius vel imbe-
cillius homine tellurem nutrire existimaverint. Et in
hoc

hoc etiam homoreliquis rebus creatis magis inferior,
quod, uti perspicaci rationis indagine omnibus anima-
libus superior est, ita omnes casus, quos indies mortali-
tatis ratio suppeditat, vehementiori affectu trutinat, &
se ipsum maceret, non attendens, illa, qua supra nostrā
potestatem sunt, nullo humano consilio posse mutari.
Certè, quemadmodū nimis prolixum foret omnes vitæ
humanæ miseras percurrere, ita etiam impossibile est,
omnes casus, qui singulos in suis stationibus inærore
adversitatis afficiunt depingere. Caterum Amplissimus
& Clarissimus Vir DN. CHRISTIANUS OTFARUS
Medicinæ & Philosophiæ Doctor dum viveret eximius,
cui hodie ultimum honorem debemus, multis etiam
humanis calamitatibus in ultimum vitæ suæ terminum
usq; fuit expositus, & vario fortunæ motu circumdu-
ctus. Postquam enim uti in extremo voluntatis suæ elo-
gio ipse notavit *21. Julii hora 4. matutina Anno 1609.* à Pa-
rentibus laude conspicuis natus & ad omnem eruditi-
onis, & virtutis normam bene educatus est, talem se præ-
buit, ut Viri Admodum Rever. & Excellentissimi DN:
JOHANNIS GEORGII DORSCHII Theologi incomparabi-
lis & nunquam satis laudati, cum is Anno 1659. hujus
Universitatis Rector esset Magnificus, testimonium pu-
blicum facile impetraverit. In quo publico attestato
quod Academiæ nostræ Sygillo confirmatum video, cū
totius ejus vitæ ratio, quæ mihi alias ignota fuit, conti-
neatur, illud in ejus laudem huc ascribere volui.

Qm

Qui Anno orbis redempti cIo lOc XXIX mense Augusto, Re-
ctore, Excellentissimo & Experientissimo Viro, Dn. JOHANNE
BACHMEISTERO, Philosophia & Medicina Doctore clarissi-
mo, tō vū cū aq̄ior, in hanc Civitatem Academicam, adulta iam
atate, præcedaneo juramento, receptus est, & ita per triginta
interea elapsos annos se gessit, ut tandem ad nos iterum tanquā
ad patrocinium aliquod sæpius accessum confugiat, is, licet &
sæpius jam honorifico elogio dimissus, quomodo in hac atate pro-
vecta deniq̄, non eadem Benevolentia sit prosequendus, non vi-
deo. Est is Experientissimus & clarissimus Vir, Dn. CHRI-
STIANUS OTFARUS, Terbizensis Misticus, Philosophia &
Medicina Doct̄or meritissimus laudatissimus. Originem il-
le traxit ex Nobili & Antiqua Otfarorum sive Ottotarorum
Familia, qui non nullis Godefari, non nullis Gotfari, uti va-
riationes illæ in nominibus Antiquissimarum Familiarum non
infrequentes quondam fuerunt, appellati sunt Sedem habu-
it ea Familia primum in Hungaria, postea sub Ottone III Rom.
Imperatore adeo effloruit, ut ab ipso Imperatore multis fuerit,
honorata beneficiis, à quorum vestigiis meritorum ne deinceps
posteritas descivit. Natus est noster Otfarus Anno Christi
cIo lOc IX mensis Julii die XXI claris & honestis parentibus.
Patrem habuit perquam Reverendum & Clarissimum, Dn.
WENCESLAUM OTFARUM, à Senerissimo Johanne Georgio
Electore Saxonie beatissimæ memoriæ, immensis beneficiis &
stipendiis Academicis, de votis Charisteriis & æternis laudi-
bus apud posteros dignissimis, partim in schola Electorali Grim-
mensi, partim in Academia Wittebergensi prius auctum atq̄
ad

ad unam & alteram praeclaram functionem Ecclesiasticam in Saxonia promotū, postea autē Serenissimi Electoris clementissima concessione, è Misnia ab Illustrissimo Adolpho Friderico, Duce Mecklenburgico, p. m. ad Episcopam Mecklenburgicam, qua nunc cum Racemburgica coaluit, evocatum. Matrem habuit Nobilissimam & ornamentis sexus sui honorabilem Matronam, BARBARAM FAUSTINAM, clarissimi Theologi & simul Medici Dni. JOHANNIS FAUSTI filiam. Sed satis est, Familiam antiquam & claros D. Otfarinos nostri Parentes nominasse. Ille enim nunquam avitis laudibus intumescere, sed semper propriis virtutibus & meritis commendatum se bonis Viris reddere conatus est. Educationem pueritiae moderati sunt laudatissimi Parentes, qui ad eam rectius expediendam adsciverunt clarissimos Praeceptores, qui domi bonarum literarum semina in capacissimam indolem bona fide commiserunt. Spe sua Familia digna ab OTFARO hoc modo excitata, ex Parentū consilio, studiorum & Ingenii excolendi causa, ad scholas, quas Triviales vocant, diversas successu temporis missus est, utpote Wisnariensem, Gustroviensem & Lunaburgensem, ubi tum publica tum privatae informationi animum accommodavit attentissimum. In Gymnasii florentissimis Lubecensi & Hamburgensi adhuc latius protulit incrementa studiorum. ut tandem ex his carceribus ad studiorum universitates passim celebratissimas emittendus fuerit. Primum quidem adiit Regio montanam Borussiae, deinde Rostochiensem Mecklenburgensium Gryphiswaldensem Pomeranorum, Francofurtanam Marchicorum, Wittebergensem Saxonum, Lipsiensem Misniae, Helm-


Helmstadiensem Brunsvicensium, Rintelensem Westphalorū,
Hafniensem & Soranam Danorum, Gröningensem Frisorū
Lugdunensem & Ultrajectinam Belgarum, in quibus maxi-
mam partem suae eruditionis & probitatis commendatissima
edidit specimina, quae clarissimorum Virorum perpetuis elogiis
cōhonestata fuerunt. Ad experientiam variam sibi concilian-
dam, ad Hominum varia ingenia & locorum consuetudines
explorandas, quod sanè illi, qui vult inter homines prudenter
versari, & rerū sibi comparare veram notitiam summè neces-
sarium esse rectè existimavit, varia suscepit itinera, optima subin-
de favente occasione, adeo ut prater jam enumeratas Aacademi-
as superiorem & inferiorem Germaniam, Borussia, Poloni-
am, Daniam & Hollandiam perlustraverit. Quoad antenus et-
iam in Angliam & Gallias progressus est, sed valetudinis alio-
rumq; obstaculorum impedimento, ne ulterius progrediretur,
fuit absterritus. In universum variam vitæ conditionem susti-
nuit, & nunc lata, nunc tristia expertus, sic tamen ut singula-
rem & admirandam DEI Providentiam in utrovis emergenti-
um genere semper apertè agnosceret, & cum bona modeste fer-
ret, mala & adversa Generoso semper animo superare. Cha-
rus ob vitæ probitatem & eruditionem etiam viris Principibus,
quibus placuisse non ultima laus est. Vocatus fuit ante plurimos
annos ab Illustrissimo Adolpho Friderico, Mecklenburgensi-
um Duce ad informationem Illustrissima filia, Sophia Agne-
tis. Huic cum utiliter inseruisset, postulatus est ab Illustrissimo,
Friderico Duce Holsatiae, ad Illustre Gymnasium Bordeshol-
mense, ubi fidei dexteritatisq; suae in docendo laudabilem reli-
quit


quit memoriam. In hac functionum & fortunarum varietate
geminus Gradus honoris decoratus fuit: Etenim Philosophia
ipsum Magistrum, Medicina Doctorem proclamavit. Praxin
Medicam tanquam alteram naufragii tabulam, praesertim in
hac temporum aduersitate, primum Rostochii, deinde Vrsina-
ria feliciter amplexus est. Hinc illum belli imminentis atrocitas
& alia molestia abire & tranquilliores fortunarum suarum
sedem quaerere iusserunt. Quod imperium cum voto pacis in-
ter summates excitanda, & invidorum ad meliorem mentem
reducendorum lubentissime admisit, spe nunquam falsura fre-
tus, Deum Benignissimum Curriculum diuturni laboris in-
contaminatum, alicubi pulcherrima Tranquillitate stiturum,
effecturum, ut re ipsa dulcissimum fatigationum molestissima-
rum fructum persentiat. Hoc animo DN. D. OTFARUS hacte-
nus apud nos fuit, hoc animo à nobis sub Patrocinio clementiae
Caestis discedit. Nos de his omnibus exactis & documentis ex-
tra omnem dubitationem positus publica Authoritate testari of-
ficii ratione volumus, ut debuimus. Fecundissima nobis fuit
bonestissime ab eo transacta vita & publica commemoratio. Do-
luimus etiam ex animo optima vita & serenitatem toties graviter
malitia seculi fuisse obnubilatam. Precamur DEUM Opt.
Max. ut deinceps ei Fortunam magis propitiam & tot injuria-
rum compensatricem largiri velit. En in fine OMNES BONOS &
CORDATOS in praesidium atq; adiutorium Clarissimi D. OTFARI
inuitamus & per amanter officioseq; rogamus. Cum ita à no-
vercantis fortunæ malis idem ille qui melioribus digno-
erat, misere affligeretur, non potuit tot scopulis omni-
bus

bus modis cum homo esset resistere, quin animum si-
mpl & corpus curis difatigatum & discerptum extenua-
ret, unde vel mœrore tandem enervatus vires suas pau-
latim amisit, donec calor natus plane exstingueretur.
Quare diu multumq; cum curis & anxietatibus collucta-
tus 22. Decembr. anni proxime præteriti animam suam
expiravit, eamq; devotis precibus & suspiriis, postquam
14. Dec. sacra synaxi erat in fide sua confirmatus, in man-
Creatoris sui iterum commendavit. Corpus a. ad magnū
usq; judicii diem terræ demandandum amicis suis reli-
quit, qui memores debiti Christiani præsentem diem de-
ductioni funeris destinarunt. Nostrum itaq; erit Cives
honoratissimi, *Illi* qui in hac mundi miseria varie jacta-
tus, & tandem ad portum æternæ salutis de-
latus est, ultimum præstare honorem & corpus
ejus hodie honorifica præsentia ad sepulcrum quie-
tis comitari. Quare omnes & singulos Academia
cives, tum etiam omnes literatos & literarum fautores
iterum iterumq; adhortor, & officiose ac sedulo invito
ut ad funus hoc honoratum deducendum & su-
premo honore prosequendum, frequentes con-
volare velint. Datum sub Syg. Uni. Rost.

8. Mart. Anno 1661.

Conventus erit horâ I. in æde
Mariana.







adunam & alteram praclaram functionem E
Saxonia promotū, postea antē Serenissimi Electo
ma concessione, è Misnia ab Illustrissimo Adolp
Duce Mecklenburgico, p. m. ad Episcopam Mec
que nunc cum Racemburgica coaluit, evocatur
habuit Nobilissimam & ornamentis sexus sui
Matronam, BARBARAM FAUSTINAM, clarissimam
simul Medici Dn. JOHANNIS FAUSTI filiam.
Familiam antiquam & claros D. Otfari nostri
nasse. Ille enim nunquam avitis laudibus intum
per propriis virtutibus & meritis commendatu
ris reddere conatus est. Educationem pueritiae
laudatissimi Parentes, qui ad eam rectius expedie
runt clarissimos Praeceptores, qui domi bonarum
mina in capacissimam indolem bona fide comm
sua Familia digna ab OTFARO hoc modo ex citat
consilio, studiorum & Ingenii excolendi causa, a
Triviales vocant, diversas successu temporis m
Wismariensem, Gustroviensem & Lunaburgicam
publice tum privatae informationi animum acco
tentissimum. In Gymnasis florentissimis Lube
burgensi adhuc latius protulit incrementa stud
dem ex his carceribus ad studiorum universitates
tissimas emittendus fuerit Primum quidem ad
tanam Borussiae, deinde Rostochiensem Me
Gryphiswaldensem Pomeranorum, Francofuri
chicorum, Wittebergensem Saxonum, Lipsien

